



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XV. Gregorii Papae I. Ad Ioannem Episcopvm
Constantinopolitanvm. De Ioanne presbytero iniuste damnato, quem
liberum esse pronuntiat.

urn:nbn:de:hbz:466:1-15221

dicere nefas est, vacue redempti sumus. Ephesinam autem Synodum perscrutantes, de Adelphio & Saua, & ceteris aliis, qui illic dicuntur esse damnati, omnino nihil inuenimus: & existimamus, quia sicut Calchedonensis Synodus in uno loco ab ecclesia Constantinopolitana falsata est, sic aliquid in Ephesina Synodo factum est. Caritas ergo vestra vetustos omnino codices eiusdem Syndi requirat, & illic inde videat si quid tale inuenitur, mihi eumdem codicem quem inueniterit transmittat, quem mox ut legero retransmitto: nouis enim codicibus passim non credat. Ex qua re dubius factus sum, & nihil adhuc volui de hac causa praedicto fratri meo Ioanni episcopo rescribere. Romani autem codices multo veriores sunt quam Graeci: quia nostri sicut non acumina, ita nec imposturas habent. De Ioanne vero presbytero cognoscite, quia illius causa per Synodum decisâ est, in qua aperte cognoui, quia eius aduersarii eum facere haereticum voluerunt, & diu conati sunt, sed minime potuerunt. Vestros, qui nostri sunt, mea vice salutare, & nostri, qui vestris sunt, per me vos multum salutant. Omnipotens Deus sua te manu inter tot spinas protegat, ut eos illæsus, quos Dominus elegit, flores decerpas.

Ioan. diac.
lib. 4. cap.
36.

EPISTOLA XV.

GREGORII PAPÆ I.

AD IOANNEM EPISCOPVM CONSTANTINOPOLITANVM.

De Ioanne presbytero iniuste damnato, quem liberum esse pronuntiat.

Gregorius Ioanni episcopo Constantinopolitano.

SIC V T haereticorum prauitas zelo recte fidei compri-
menda, ita vera confessionis est integritas amplecten-
da. Nam si credi fideliter confitenti despicitur, cunctorum
in dubium fides adducitur, atque errores ex incauta gene-
rantur distinctione mortiferi. Et hinc non solum errantes
oues ad caulas minime dominicas reuocantur, sed etiam
intropositæ ferinis dentibus laniandæ crudeliter exponun-
tur. Hoc ergo, frater sanctissime, subtiliter perpendamus,
& sub praetextu haeresis affligi quempiam veraciter profi-
tentem fidem catholicam non sinamus, ne, quod absit,

O o o iij

Ioan. diac.
lib. 4. c. 36.

hæresim fieri sub emendationis magis specie permittamus. Valde autem mirati sumus cur hi, qui in causa fidei iudices contra Ioannem Calchedonensis ecclesiæ presbyterum a vobis fuerant deputati, negligentes veritatē, opinioni crediderint, & credere districte profitenti noluerint, maxime dum accusatores ipsius Marcianistarum, quam commorabant, hæresim, vnde eum reum moliebantur efficere, interrogati quæ esset, nescire se manifesta professione responderunt. Ex qua re euidenter agnoscitur, qui personam ipsius sine Dei respectu non iuste, sed contra animas suas sola grauare voluntate tantummodo voluerint. Nos itaque factio Concilio, sicut gestorum apud nos habitorum tenor ostendit, cuncta quæ erunt necessaria subtilater perscrutantes ac tractantes, quoniam in nullo antedictum presbyterum reum inuenire potuimus, præcipue quia libellus, quem delegatis a vobis iudicibus obtulit, rectæ fidei per omnia sinceritati concordat, eapropter eorumdem iudicium reprobantes sententiam, nostra eum diffinitione catholicum, & ab omni hæretico crimine liberum esse Christi Dei redemptoris nostri misericordia & gratia reuelante denuntiauimus. Quem quoniam ad vestram retransmisimus sanctitatem, oportet ut eum, sicut se cunctis exhibet, benigne suscipiat, & caritatem illi sacerdotalem impendat, atque a cuncta eum inquietudine tueatur, nec quemquam se in eius molestia occupare permittat, sed sicut alios ab oppressione defenditis, ita huic vestra subtrahere solatia non debetis.

PISTOLA XVI.

GREGORII PAPÆ I.

AD MAVRICIVM AVGVSTVM.

De Ioanne presbytero recipiendo iniuste damnato.

Gregorius Mauricio Augusto.

CVM sincera in vobis, Christianissime principum, velut emissum cælitus iubar fidei rectitudo resplendeat, cumque notum sit omnibus serenitatem vestram, integrum professionem, qua Deo pollet propitio, vehementer amplecti, & toto corde diligere, necessarium esse valde perspeximus pro his, quos vna eademque fides illustrat,